

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা জাতীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার
সংখ্যা ১৭৪/২০১৮-২০১৯
ঢাকা, রোবরার ১০ মার্চ ২০১৯, ২৬ ফাল্গুন ১৪২৫
আজকের দৈনিক পত্রিকাগুলো নিম্নলিখিত বিষয় প্রাথমিক দিয়ে খবর ছেপেছে

- ১। মেরেরা সবক্ষেত্রে ভালো করছে, তাই দেশ এগিয়ে যাচ্ছে :
নারী দিবসের আলোচনাসভায় প্রধানমন্ত্রী
- ২। রাষ্ট্রপতি আজ গাজীপুরের মৌচাকে ১০ম জামুরি স্কাউট উদ্বোধন করবেন
- ৩। চ্যালেঞ্জ মোকাবিলা করতে দক্ষতা উন্নয়নের বিকল্প নেই : স্পিকার
- ৪। অবস্থার উন্নতি হওয়ায় সিঙ্গাপুরে চিকিৎসাধীন ওবায়দুল কাদেরকে
দু'একদিনের মধ্যে আইসিইউ থেকে কেবিনে নেওয়া হবে
- ৫। জাতীয় দুর্যোগ প্রস্তুতি দিবস আজ : রাষ্ট্রপতি ও প্রধানমন্ত্রীর বাণী
- ৬। জলবায়ু পরিবর্তনের অভিষাত মোকাবিলায় লড়ছে বাংলাদেশ : তথ্যমন্ত্রী
- ৭। আমদের বাহিনীরও আত্মরক্ষার অধিকার আছে : স্বরাষ্ট্রমন্ত্রী
- ৮। মৌলবাদ, সন্ত্রাস, জঙ্গিবাদ নারীর এগিয়ে যাওয়ার প্রধান অন্তরায় : শিক্ষামন্ত্রী
- ৯। সিভিকেট করে দাম বৃদ্ধির সুযোগ দেওয়া হবে না : বাণিজ্যমন্ত্রী
- ১০। চলতি বছরে পূর্বাচল বসবাসের উপযোগী হবে : গণপূর্তমন্ত্রী
- ১১। পঞ্চম উপজেলা পরিষদ নির্বাচনের প্রথম ধাপে ৭৮ উপজেলায় ভোট আজ
- ১২। ভূমি মন্ত্রণালয়ের সব চাকুরে সম্পদের হিসাব জমা দিয়েছেন : ভূমিমন্ত্রী
- ১৩। শ্রমিকদের শ্রম-আইন সম্পর্কে অধিক সচেতন হতে হবে : শ্রম প্রতিমন্ত্রী
- ১৪। রোহিঙ্গাদের জন্য ১৬ কোটি মার্কিন ডলার অনুদান দিল বিশ্বব্যাংক
- ১৫। কাজী মাহবুবউল্লাহ পুরক্ষার প্রদান অনুষ্ঠানে সংস্কৃতি প্রতিমন্ত্রী

১। মেয়েরা সবক্ষেত্রে ভালো করছে, তাই দেশ এগিয়ে যাচ্ছে :
নারী দিবসের আলোচনাসভায় প্রধানমন্ত্রী

প্রধানমন্ত্রী শেখ হাসিনা বলেছেন, আমাদের দেশের মেয়েরা এখন চাকরি-বাকরি, খেলাধুলাসহ সব দিক দিয়ে এগিয়েছে। এমনকি এভারেস্টও জয় করে ফেলেছে। সংসদ সদস্য, বিচারপতি, শিক্ষক, পাইলট, মেজর জেনারেল, পুলিশ, বিমানবাহিনীসহ প্রত্যেকটি স্থানে মেয়েরা কাজ করছে। আর এ কারণেই দেশ এগিয়ে যাচ্ছে। ছেলেরা যা পারে, মেয়েরা তার থেকে ভালোই পারে। তিনি বলেন, এ কথা মনে রাখতে হবে একটা সমাজকে যদি গড়ে তুলতে হয়, আর যে সমাজে অর্ধেক নারী, তাদের বাদ দিয়ে সমাজ কখনো গড়ে উঠতে পারে না। আন্তর্জাতিক নারী দিবস উপলক্ষে গতকাল (৯ মার্চ শনিবার) বঙ্গবন্ধু আন্তর্জাতিক সম্মেলনকেন্দ্রে আয়োজিত মহিলা ও শিশুবিষয়ক মন্ত্রণালয় আয়োজিত অনুষ্ঠানে প্রধান অতিথির বক্তব্যে তিনি এসব কথা বলেন। সূত্র : ইন্ডিফাক (পৃ.১,ক.৭), সংবাদ (শেষ পৃ.ক.৪), নিউজ টুডে (পৃ.১,ক.৪), নিউ নেশন (শেষ পৃ.ক.৬)।

২। রাষ্ট্রপতি আজ গাজীপুরের মৌচাকে ১০ম জামুরি স্কাউট উদ্বোধন করবেন

আজ (১০ মার্চ রোববার) গাজীপুরের মৌচাকে ১০ম জামুরি উদ্বোধন করবেন রাষ্ট্রপতি মোঃ আবদুল হামিদ। আজ বেলা ৪টায় তিনি জামুরির আনুষ্ঠানিক উদ্বোধন করবেন বলে জানা গেছে। গতকাল (৯ মার্চ শনিবার) জামুরি ময়দানে আয়োজিত এক সংবাদসম্মেলনের মাধ্যমে এ তথ্য জানান বাংলাদেশ স্কাউটস কর্তৃপক্ষ। সূত্র : আমাদের অর্থনীতি (শেষ পৃ.ক.১)।

৩। চ্যালেঞ্জ মোকাবিলা করতে দক্ষতা উন্নয়নের বিকল্প নেই : স্পিকার

স্পিকার ড. শিরীন শারমিন চৌধুরী বলেছেন, বর্তমান বিশ্বের চ্যালেঞ্জ মোকাবিলা করতে দক্ষতা উন্নয়নের বিকল্প নেই। জনসমষ্টিকে দক্ষ জনশক্তিতে ঝুপান্তর করতে পারলেই অন্তর্ভুক্তিমূলক উন্নয়ন নিশ্চিত হবে। এসডিজি অর্জনের মাধ্যমে ক্ষুধা, দারিদ্র্য ও বৈষম্যমুক্ত বাংলাদেশ প্রতিষ্ঠা করতে দক্ষ নাগরিক হিসেবে গড়ে উঠতে সকলের প্রতি আহ্বান জানান তিনি। গতকাল (৯ মার্চ শনিবার) রাজধানীর সোনারগাঁও হোটেলে শিক্ষা মন্ত্রণালয়ের কারিগরি ও মন্ত্রাসা বিভাগ আয়োজিত ‘ইন্টারন্যাশনাল ক্ষিলস কনফারেন্স-২০১৯’ অনুষ্ঠানে প্রধান অতিথির বক্তব্যে স্পিকার এসব কথা বলেন। সূত্র-সংবাদ (শেষ পৃ.ক.৪), ভোরের কাগজ (পৃ.২,ক.৮), নিউজ টুডে (পৃ.২,ক.৪), নিউ নেশন (পৃ.৩,ক.৬)।

৪। অবস্থার উন্নতি হওয়ায় সিঙ্গাপুরে চিকিৎসাধীন ওবায়দুল কাদেরকে

দু'একদিনের মধ্যে আইসিইউ থেকে কেবিনে নেওয়া হবে

সিঙ্গাপুরের মাউন্ট এলিজাবেথ হাসপাতালে চিকিৎসাধীন আওয়ামী লীগের সাধারণ সম্পাদক ও সড়ক পরিবহণমন্ত্রী ওবায়দুল কাদেরের শরীরের সব এক্সট্রান্যাল ডিভাইস খুলে নেওয়া হয়েছে। এখন তিনি সব ডিভাইসমুক্ত। ওবায়দুল কাদের এখন কথা বলতে পারছেন বলে জানিয়েছেন তাঁর সঙ্গে থাকা বঙ্গবন্ধু শেখ মুজিব মেডিকেল বিশ্ববিদ্যালয়ের পরিচালক অধ্যাপক ডা. আবু নাসির রিজভি। গতকাল (৯ মার্চ শনিবার) সাংবাদিকদের এ তথ্য জানান তিনি। ডা. রিজভি বলেন, ওবায়দুল কাদের এর হার্ট ১০০ ভাগ স্টেবল আছে, তাঁর প্রেসার ঠিকঠাক মতো মেনটেইন হচ্ছে, ইনফেকশন আগের থেকে কঠ্রোলে চলে এসেছে। কিডনির অবস্থা ও অনেক উন্নতি হয়েছে। এ মুহূর্তে তাঁর সামান্য শারীরিক দুর্বলতা আছে যা দু'একদিনের মধ্যে ওভারকাম করলে তাঁকে আমরা কেবিনে নিয়ে যেতে পারব। সূত্র-সংবাদ (পৃ.১,ক.১), সমকাল (পৃ.৩,ক.৫), নিউজ টুডে (পৃ.১,ক.৮), অবজারভার (পৃ.১,ক.৫)।

৫। জাতীয় দুর্যোগ প্রস্তুতি দিবস আজ : রাষ্ট্রপতি ও প্রধানমন্ত্রীর বাণী

জাতীয় দুর্যোগ প্রস্তুতি দিবস আজ (১০ মার্চ রোববার)। ‘দুর্যোগ মোকাবিলায় প্রস্তুতি, ত্রাস করবে জীবন ও সম্পদের ঝুঁকি’ এ প্রতিপাদ্য নিয়ে দুর্যোগ ব্যবস্থাপনা ও আগ মন্ত্রণালয়ের উদ্যোগে দিবসটি পালিত হবে। জাতীয় দুর্যোগ প্রস্তুতি দিবস-২০১৯ উপলক্ষে রাষ্ট্রপতি মোঃ আবদুল হামিদ ও প্রধানমন্ত্রী শেখ হাসিনা পৃথক বাণী দিয়েছেন। সূত্র : ইন্কিলাব (শেষ পৃ.ক.৫), যুগান্ত (পৃ.২,ক.১), ইভিপেনডেন্ট (পৃ.২,ক.১)।

৬। জলবায়ু পরিবর্তনের অভিঘাত মোকাবিলায় লড়ছে বাংলাদেশ : তথ্যমন্ত্রী

তথ্যমন্ত্রী ড. হাছান মাহমুদ বলেছেন, জলবায়ু পরিবর্তনের অভিঘাত মোকাবিলায় নিজস্ব সামর্থ্যে কাজ করে চলেছে বাংলাদেশ। আঞ্চলিক ও বিশ্ব সংস্থাগুলো থেকে প্রাপ্ত অর্থায়ন এ কাজকে আরো এগিয়ে নিতে পারে। মন্ত্রী গতকাল (৯ মার্চ শনিবার) রাজধানীর একটি অভিজ্ঞাত হোটেলে ২য় আন্তর্জাতিক জলবায়ু অর্থায়ন সম্মেলনে প্রধান অতিথির বক্তব্যে তিনি বলেন, বাংলাদেশ বৈশ্বিক জলবায়ু পরিবর্তনের জন্য দায়ী না হয়েও ক্ষতির শিকার হচ্ছে সবচেয়ে বেশি। সম্পূর্ণ নিজস্ব অর্থায়নে জলবায়ু পরিবর্তন ফান্ড গঠন করে বিশ্বের বুকে অনন্য নজির স্থাপন করেছে বাংলাদেশ। সূত্র-বাসস।

৭। আমাদের বাহিনীরও আত্মরক্ষার অধিকার আছে : স্বরাষ্ট্রমন্ত্রী

স্বরাষ্ট্রমন্ত্রী আসাদুজ্জামান খাঁন কামাল বলেছেন, আইনশৃঙ্খলা রক্ষাকারী বাহিনী কখনোই ক্রসফায়ারের নামে কাউকে হত্যা করছে না। পুলিশকে আত্মরক্ষার্থে গুলি চালাতে হয়। সুশীল সমাজের অনেকেই সমালোচনা করছেন, আইনশৃঙ্খলা রক্ষাকারী বাহিনী নাকি নিরপরাধদের ক্রসফায়ারের নামে হত্যা করছে। আমি স্পষ্ট করে বলছি, এসব সঠিক নয়। স্বরাষ্ট্রমন্ত্রী আরো বলেন, মাদক কারবারিদের ধরতে গেলেই অবৈধ অস্ত্রের ব্যবহার করছে। সাধারণ মানুষের যেমন আত্মরক্ষার অধিকার আছে, আমাদের বাহিনীরও আছে। যারাই সারেভার করবেন, মাদকের ব্যবসা ছাড়বে, তাদের শেষ সুযোগ দেওয়া হবে নইলে জেলে যেতে হবে। গতকাল (৯ মার্চ শনিবার) রাজধানীর তেজগাঁওয়ের বিজি প্রেস মাঠে আয়োজিত মাদকবিরোধী সমাবেশে প্রধান অতিথির বক্তব্যে এ কথা বলেন তিনি। সূত্র : ইত্তেফাক (পৃ.২,ক.৮), সংবাদ (শেষ পৃ.ক.৩), নিউজ টুডে (শেষ পৃ.ক.৬), নিউ নেশন (পৃ.১,ক.১)।

৮। মৌলবাদ, সন্ত্রাস, জঙ্গিবাদ নারীর এগিয়ে যাওয়ার প্রধান অন্তরায় : শিক্ষামন্ত্রী

শিক্ষামন্ত্রী ডা. দিপু মনি বলেছেন, মৌলবাদ, সন্ত্রাস ও জঙ্গিবাদ নারীর এগিয়ে চলার পথে প্রধান অন্তরায়। যে রাজনীতি এ মৌলবাদ, সন্ত্রাস ও জঙ্গিবাদকে আশ্রয়-প্রশ্রয় দেয় তা রাজনীতি নয়। তা হল অপরাজনীতি। তিনি গতকাল (৯ মার্চ শনিবার) ঢাকায় বাংলাদেশ শিশু একাডেমি মিলনায়তনে বাংলাদেশে ব্যাংক আয়োজিত ‘ব্যাংকার, এসএমই নারী উদ্যোগ’ সমাবেশ ও পণ্য প্রদর্শনী’ শীর্ষক এক সভার প্রধান অতিথির বক্তব্যে এ কথা বলেন তিনি। সূত্র-সংবাদ (পৃ.৪,ক.৩)।

৯। সিভিকেট করে দাম বৃদ্ধির সুযোগ দেওয়া হবে না : বাণিজ্যমন্ত্রী

বাণিজ্যমন্ত্রী টিপু মুনশি বলেছেন, সিভিকেট করে দাম বাড়ানোর সুযোগ দেওয়া হবে না। বাজারে সুষ্ঠু প্রতিযোগিতা নিশ্চিত করার জন্য সরকার প্রয়োজনীয় সবকিছু করবে। জনসচেতনতা বাড়ানোর পাশাপাশি আইনের কঠোর প্রয়োগ করা হবে। গতকাল (৯ মার্চ শনিবার) ঢাকায় সিরাডাপ মিলনায়তনে বাংলাদেশ প্রতিযোগিতা কমিশন আয়োজিত ‘টেকসই ও অন্তর্ভুক্তিমূলক উন্নয়নে বাংলাদেশ প্রতিযোগিতা কমিশনের ভূমিকা’ শীর্ষক সেমিনারে প্রধান অতিথির বক্তৃতায় বাণিজ্যমন্ত্রী এসব কথা বলেন। সূত্র-সমকাল (পৃ.১৯,ক.৫), ভোরের কাগজ (পৃ.৪,ক.১), নিউ নেশন (পৃ.১৩,ক.১)।

১০। চলতি বছরে পূর্বাচল বসবাসের উপযোগী হবে : গণপূর্তমন্ত্রী

গৃহায়ন ও গণপূর্তমন্ত্রী শ. ম. রেজাউল করিম বলেছেন, ২০১৯ সালের মধ্যে বসবাস উপযোগী একটি আবাসন এলাকা হিসেবে পরিচিত হবে পূর্বাচল স্যাটেলাইট টাউন। চলতি বছরের মধ্যে বরাদ্দপ্রাপ্তরা সকল নাগরিক সুবিধাসহ পূর্বাচলে বসবাস করতে পারবেন। গতকাল (৯ মার্চ শনিবার) রাজধানীর ‘কুড়িল পূর্বাচল লিংক রোডের উভয় পার্শ্বে ১০০ ফুট চওড়া খাল খনন ও উন্নয়ন প্রকল্প’ ও ‘পূর্বাচল নতুন শহর প্রকল্প’ পরিদর্শন শেষে তিনি সাংবাদিকদের এসব কথা বলেন। সূত্র : ইত্তেফাক (পৃ.২,ক.৬), সমকাল (পৃ.২,ক.২), নিউজ টুডে (শেষ পৃ.ক.৫), নিউ নেশন (শেষ পৃ.ক.৫)।

১১। পঞ্চম উপজেলা পরিষদ নির্বাচনের প্রথম ধাপে ৭৮ উপজেলায় ভোট আজ

পঞ্চম উপজেলা পরিষদ নির্বাচনের প্রথম ধাপে ৭৮টি উপজেলায় ভোট আজ (১০ মার্চ রোববার)। সকাল ৮টা থেকে বিকেল ৪টা পর্যন্ত টানা ভোটগ্রহণ চলবে। ইতোমধ্যে ভোটের সব প্রস্তুতি গ্রহণ করেছে নির্বাচন কমিশন। সূত্র-সংবাদ (পৃ.১,ক.৬), ইত্তেফাক (শেষ পৃ.ক.৬), নিউজ টুডে (পৃ.১,ক.১), নিউ নেশন (পৃ.১,ক.২)।

=8=

১২। ভূমি মন্ত্রণালয়ের সব চাকুরে সম্পদের হিসাব জমা দিয়েছেন : ভূমিমন্ত্রী

ভূমি মন্ত্রণালয় ও এর আওতাধীন সকল কর্মকর্তা-কর্মচারী তাদের সম্পদের হিসাব সরকারের কাছে জমা দিয়েছেন। মন্ত্রণালয়ের অধীনস্থ পাঁচটি দফতর এবং ৬৪টি জেলায় কর্মরত ১৭ হাজার ৫৭৬ কর্মচারীর মধ্যে ১৭ হাজার ২০৮ কর্মচারী তাদের সম্পদের হিসাব বিবরণী দাখিল করেছেন। অবশিষ্ট ৩৬৮ কর্মচারী বিভাগীয় মামলায় সাময়িক বরখাস্ত এবং দীর্ঘমেয়াদি ছাঁটিতে থাকার কারণে সম্পদের বিবরণী দাখিল করতে পারেননি। এ বিষয়ে ভূমিমন্ত্রী বলেন, প্রতিশ্রুতি বাস্তবায়নে আমি প্রতিজ্ঞাবদ্ধ, এত দ্রুত সময়ে কর্মচারীদের সম্পদের হিসাব গ্রহণ তার একটি প্রধান। এ বিষয়ে সহযোগিতা করার জন্য আমি সবাইকে ধন্যবাদ জানাচ্ছি। সম্পদ বিবরণী দাখিলের ফলে অনিয়ম-দূনীতি করতে সবাই নির্ণসাহিত হবেন। সূত্র : জনকর্ত (শেষ পৃ.ক.৭), সংবাদ (পৃ.১,ক.৫), নিউজ টুডে (শেষ পৃ.ক.৫), নিউ নেশন (শেষ পৃ.ক.৮)।

১৩। শ্রমিকদের শ্রম-আইন সম্পর্কে অধিক সচেতন হতে হবে : শ্রম প্রতিমন্ত্রী

শ্রম ও কর্মসংস্থান প্রতিমন্ত্রী বেগম মন্তুজ্জান সুফিয়ান বলেছেন, শ্রমিকদের তাদের অধিকারের চেয়ে শ্রম-আইন সম্পর্কে অধিক সচেতন হতে হবে। এতে শ্রমিকদের মর্যাদা আরও বৃদ্ধি পাবে। তিনি গতকাল (৯ মার্চ শনিবার) জাতীয় প্রেসক্লাবের ভিআইপি লাউঞ্জে বাংলাদেশ লেবার ফেডারেশনের দ্বি-বার্ষিক জাতীয় সম্মেলনে প্রধান অতিথির বক্তৃতায় এ কথা বলেন। বর্তমান সরকারকে শ্রমবান্দুর সরকার উল্লেখ করে প্রতিমন্ত্রী বলেন, শ্রমিকদের জীবন মান উন্নয়নে সবকিছু করবে সরকার। তিনি বলেন, শ্রমিকদের কল্যাণের কথা বিবেচনায় নিয়ে সম্প্রতি সরকার শ্রম-আইন সংশোধন করেছে। শ্রমিকদের যে কোনো যৌক্তিক দাবি আদায়ে আলাপ-আলোচনার ওপর গুরুত্ব আরোপ করেন তিনি। সূত্র-সংবাদ (পৃ.৪,ক.৭), নিউজ টুডে (পৃ.২,ক.৬)।

১৪। রোহিঙ্গাদের জন্য ১৬ কোটি মার্কিন ডলার অনুদান দিল বিশ্বব্যাংক

কর্মবাজারের রোহিঙ্গা এবং স্থানীয়দের দুর্যোগ মোকাবিলা ও মৌলিক চাহিদা মেটাতে ১ হাজার ৪শ' কোটি টাকার অনুদান দিয়েছে বিশ্বব্যাংক। গত ৮ মার্চ শুক্রবার ওয়াশিংটনে বিশ্বব্যাংকের বোর্ড সভায় রোহিঙ্গাদের জন্য এ অনুদান অনুমোদন হয় বলে সংস্থাটির ঢাকা কার্যালয় এক সংবাদ বিজ্ঞপ্তিতে জানায়। সুত্র-সংবাদ (পৃ.১,ক.২), ইতেফাক (শেষ পৃ.ক.৮), নিউজ টুডে (শেষ পৃ.ক.২), নিউ নেশন (পৃ.১,ক.২)।

১৫। কাজী মাহবুবউল্লাহ পুরস্কার প্রদান অনুষ্ঠানে সংস্কৃতি প্রতিমন্ত্রী

সংস্কৃতিবিষয়ক প্রতিমন্ত্রী কে এম খালিদ বলেছেন, এ পৃথিবীতে বথিত, অবহেলিত, দুষ্ট মানুষের কল্যাণে কিছু করার তাগিদ অনুভব করা মানুষের সংখ্যা অনেক কম। ফরিদপুরে জন্ম নেওয়া কাজী মাহবুবউল্লাহ তেমনই একজন বিরল মানুষ। তিনি ছিলেন অত্যন্ত জনদরদী। গতকাল (৯ মার্চ শনিবার) রাজধানীর শিল্পকলা একাডেমিতে বেগম জেবনেছা ও কাজী মাহবুবউল্লাহ জনকল্যাণ টাস্ট আয়োজিত ‘কাজী মাহবুবউল্লাহ পুরস্কার ২০১৭ ও ২০১৮’ প্রদান অনুষ্ঠানে তিনি এসব কথা বলেন। সুত্র-সংবাদ (পৃ.৪,ক.১)

সম্পাদকীয়

- ক. ইতেফাক : ঢাকা বিশ্ববিদ্যালয়ে প্রতিবছর শিক্ষার্থীর সংখ্যা বাড়লেও সে অনুপাতে আবাসনব্যবস্থা বাড়ছে না উল্লেখ করে এ ব্যাপারে সংশ্লিষ্টদের নজর দেওয়ার সুপারিশ।
- খ. সমকাল : কর্মবাজারের রোহিঙ্গা ক্যাম্পগুলোতে সন্ত্রাসীদের অপতৎপরতার খবরে উদ্বেগ প্রকাশ করে এ অবস্থা নিরসনে সংশ্লিষ্ট সব পক্ষ সচেষ্ট হবে বলে প্রত্যাশা ব্যক্ত।
- গ. যায়ায়াদিন, ভোরের কাগজ : ঢাকার সদরঘাটে বুড়িগঙ্গায় মর্মান্তিক এক নৌকাডুবিতে একই পরিবারের ৫ সদস্যের মৃত্যুর ঘটনায় উদ্বেগ প্রকাশ করে এ দুর্ঘটনার জন্য দায়ীদের বিরুদ্ধে কার্যকর পদক্ষেপ নেওয়ার দাবি।
- ঘ. বণিক বাত্তা : আন্তর্জাতিক গবেষণা সংস্থাগুলোর তথ্যমতে শিক্ষার্থী অনুপাতে শিক্ষক দক্ষিণ এশিয়ার মধ্যে বাংলাদেশে সবচেয়ে কম উল্লেখ করে মানসম্মত শিক্ষা নিশ্চিত করতে শূন্য পদগুলোতে দ্রুত শিক্ষক নিয়োগের সুপারিশ।
- ঙ. সংবাদ : বিভিন্ন কারণে ফৌজদারি মামলার বিচার প্রক্রিয়া বিলম্বিত হচ্ছে উল্লেখ করে যে করেই হোক বিলম্বিত বিচারের কারণগুলো দূর করার ওপর গুরুত্বারোপ।
- চ. নিউ নেশন : জনগণের সুস্থিতের জন্য নিরাপদ ও ভেজালমুক্ত খাদ্য নিশ্চিত করার সুপারিশ।
- ছ. ইন্ডিপেন্ডেন্ট : যে কোনো প্রাকৃতিক দুর্যোগ মোকাবিলার জন্য সব রকমের প্রস্তুতি রাখার পরামর্শ।

উপসম্পাদকীয়

জনকর্ষ পত্রিকায় প্রকাশিত কলামে উল্লেখ করা হয়েছে, সরকারি ডাক্তারদের গবেষণার সুযোগ বাড়ানো প্রয়োজন।

নিবন্ধ ও ফিচার

ইতেফাক পত্রিকায় প্রকাশিত ‘নেতৃত্ব বিকাশে ডাকসুর ভূমিকা’ শিরোনামের নিবন্ধে উল্লেখ করা হয়েছে, বর্তমানে ছাত্র নেতৃত্ব তৈরির জন্য ডাকসুর নির্বাচনের কোনো বিকল্প নেই।

#

ডালিয়া/ফাহিমা/শুকলা/সাইদা/রশীদ/মাসুম/২০১৯/৯.০০ঘন্টা